

The Electronic *Manipulus florum*  
[www.manipulusflorum.com](http://www.manipulusflorum.com)

Penitentia g  
cum fontibus proximo et primis

**Augustinus in libro De poenitentia.**

Pro gravioribus vero peccatis haec etiam in satisfactione adhibenda sunt, sed multo vehementius atque districtius, quia ut ait Augustinus, ad agendam poenitentiam «non sufficit mores in melius commutare et a malis factis recedere, nisi et de his quae facta sunt satisfiat Domino per poenitentiae dolorem, per humilitatis gemitum, per contriti cordis sacrificium, cooperantibus eleemosynis».

Petrus Lombardus, *Sententiae in IV. libris distinctae*, 4.16.6.3 (*Spicilegium Bonaventurianum*, editio tertia, p.342, ll.7-12).

Ad agendam penitentiam non sufficit mores in melius commutare et a malis factis recedere, nisi et de hiis que facta sunt satisfacias Domino per penitencie dolorem, per humilitatis gemitum, per contriti cordis sacrificium, cooperantibus eleemosynis.

Augustinus libro de penitentia.

Non enim sufficit mores in melius commutare, et a factis malis recedere; nisi etiam de his quae facta sunt, satisfiat Deo per poenitentiae dolorem, per humilitatis gemitum, per contriti cordis sacrificium, cooperantibus eleemosynis.

Augustinus Hipponensis, *Sermones*, 351 (PL 39, col.1549).